

ITNA IN GILOU A KIPAHPIHKEI

(1 Korinthte 13:6)

-Jamson-

Kua bangte itna nei leh neilou mi in I koih a? I tangtel ua gilou achi bang genna ahi diing? Hiai thute saulou chik leh mawlchik in taklang zek lehang ka chi ahi. Hiai I tangtel a gilou kigen pen KJV leh NKJV in **'iniquity'** chi'n ana let ua, NIV in **'evil'** chi'n ana let a, huan, ESV in **'wrong doing'** chi'n ana let hi. Huchi ahihman in gitlounha, mohna, thilsia bawl I chihte tengteng gilou in a huamtelvek mai hi.

Pathian tuh itna, itna Pathian ahi chih I thei. **"Itna neilou in Pathian a theikei; Pathian itna ahi.** Pathian in eimau adia itna a nei chih i thei ua, i gingta lai uhi. **Pathian itna ahi;** itna a om gige mi Pathian ah a om gige a, Pathian leng amah ah a om gige hi" (1 Johan 4:8,16).

Ahileh itna Pathian in bang ahih a chih kidong zual lehang. Gilou a hua a, gilou himhim kipahpihlou ahihdan mi masate apan inleng a kilang pah. Pathian in gilou hua a, gilou himhim kipahpihlou ahihdan Adam leh Evi-te innkuan apan a kilang pah. Gitlounha ziak in Adam leh Evi Eden a huan apan hawlkhik in a om ua, gitlounha ziak mah in ata Kaina hawlkhik leh hamsiat in a om (Gen 3 &4).

Noah hun ah, gitlounha ziak mah Pathian in leitung tuichiim in a gawt a (Genesis 6-8). Sodom leh Gomorah khopi leng gitlounha ziak mah in Pathian in mei leh kaat in ana haltum hi (Genesis 19). Mihingte gitlounha a puak ziak in Pathian in a Tapa hilhial leng ana nungngatsan in ana taisan hi. **"Dak kuana diing in, Jesu aw ngaihtak in, "Eloi, Eloi, lam a sabakthani?" chi in, a ki koukhia a, huai, "Ka Pathian, ka Pathian bang dia hon paisan?"** chihna ahi (Matthai 27:46). Hiai tuh I Pathian omdan ahi.

Sawltak Paul in eite kiang ah **"Huchi in a ta deihtakte bang in Pathian omdan zuite hi un;** Huan Khris in hon it a, namtui diing a Pathian kiang a thilpiak diing leh kithoihna diing a i sik a a kipiak bang in **itna ah om un"** (Ephesate 5:1-2) chi'n ahon hasuan hi. Itna in gilou kipahpihlou lou a, Pathian itna ahih a, Pathian omdan zui diing I hihleh bel en leng itna I neih ua huai itna ziak a **"Gilou hua unla, hoih lam len chinten un"** (Romte 12:9) chih thupiak dungzui a

gilou I huat a, **"Gilou lam peuhmah ah kihemkhia un"** (1 Thes. 5:22) chih thupiak I neih uh toh kiton a **gilou himhim apan I kihepkhik diing uh ahi.**

Itna ziak a gilou huatna bang chi'n I ngai a? Huchi bang mite itna neilou in I koih kha hiam? Hoihlou hih ziak a kisal a kitai I chihte gitlounha leh itna neihlounha bang a ngaihtuah kha I hihleh kihihkhial diing hi. A unau it taktak mi'n Zawlnei Isai in **"Thil hoihlou thil hoih chi a, thil hoih lah thil hoihlou chi zel a, vak mial a ngai a, mial vak a ngaisek a, thil khum thil kha a ngai a, thil kha thil khum a ngaisekte a tung uh a gik hi"** (Isai 5:20) achi bang deuh in a **hoihlounha im in kitheihmohbawl mailou diing a, kipahpihlou diing hi.**

Paul in unaute it petmah in a it. Philipi khua a unaute kiang ah, **"Khris Jesu hehpihna nou ngiingei ah nou k'on ngai mahmah chih Pathian in a hon theihpih hi"** (Philipite 1:8) ana chi hial a, Galatia gam a unaute kiang ah **"nauvei in kon vei"** ana chi a (Galatiate 4:19), Korinte kiang ah na **"kha ua diing in ka kizang bei diing a, ka kizangbei veklai diing"** ana chi hial hi (2 Kor. 12:15). **Hichituk a unaute it pa'n unaute diklounha sal in a taihilh a, a bawldik hi. Delkhia un a chih pawl bang omsak zomahlai hi** (cf. 2 Kor. 13:10; 1 Kor. 4:21; 1 Kor. 5:2,13). Itna ziak a ahinna nangawn hon luikhia Jesu Khris in a itna ziak mah in it a asisan a alei a **Saptuamte diklounha sal in a vauhilh hi** (Kilakna 2:4-5; 14-16; 2:20-23; 3:1-3, 14).

Huaiziak in itna hau hi a I koihte leh itna neilou hi a I koihte kal enthak ni. Gilou hua a deihloute bang chi bang mi in I ngai ua? Saptuam I itdan leh veidan kivel thak ni unau. Itna in gilou a kipahpih kei a; adik a kipahpihzaw hi!

PLACE OF WORSHIP
 Yusuf Sadan, Secred Heart
 Cathedral, Ashoka Road,
 Delhi - 110001
 Phone No. 9953968807
 website : www.cocdelhi.org

'KHRIS' SUANGPHUM, A WEEKLY BULLETIN FOR
 THE MEMBERS OF THE CHURCH OF CHRIST, DELHI,
 ON THE FIRST DAY OF THE WEEK'

Enkaitu : Jamson Guite

BIBLE CLASS
 Class Teacher
 Adult : James, Siamkhanmuan
 Inter. : Biakmang & Jamson
 Junior : Minlun & Chiinpi
 Primary : Vungngaihkim & Suanlian
 Beginner : Chingkhanlun & Rosely

**TOUPA NI'
 THILPIAK**

Date 25.02.2024 = 53,070/-

THOUGHT OF THE WEEK

**Aw, siangthou kilawmna silh in Toupa bia unla;
 leitung luahte teng aw, ama ah ling un - Sam 96:9**

THU TUAMTUAM

THU TUAMTUAM

Biakna Hunzeek

Toupa' Ni

Date 3.03.2024

Hun-uk thumna : Nekkhothang

Lapi : Pauminlun

Thilpiak : Thangdouliau

Theihgigena : Thongginlian

Thugen : Kamkhenthang

Thumna : Thangliankehup

Midweek online Bible Class

Date 6.03.2024

Thumna : Ginsuan

Sinsaktu : Chuck Horner

Thumna : Pauminlun

Kiginni

Date 9.03.2024

Hun-uk thumna : Janglet

Lapi : Chinlunmang

Thugen : Ginlian

Thumna : Kammuanlal

Toupa' Ni

Date 10.03.2024

Hun-uk thumna : Janglet

Lapi : Chinlunmang

Thilpiak : Lamsuanmung

Theihgigena : Jangthang

Thugen : Thongginlian

Thumna : Thangzalam

MEETING OM DIING

❖ A hongtung diing tu kiginni tarik 9, 2024 chiang in business meeting om nawn diing. Amun diing ahiehleh unau-pa Kammuanlal inn diing ahi. Chiamteh in unau pasalte a tam theipen tel diing in kisa ni hang. Maban a family fellowhip diing leh thupoimoh tuamtuam genkhawm hi diing hi.

HONG ZIN UH

❖ Hyderabad apan in unaunu Hathoih leh a tanute unaunu Muanching leh unaunu Jamngaihniang Delhi hongzin uhi. Unaunu Hathoih ahiehleh unaunu Neihnunmawi @ Mawite nu ahi. Amau damleh tukul sung in hon kiksian nawnpah diing uh hi.

PROGRAM ZANG UH

❖ Unau Mission Veng a bekhawmte'n sintawpni zan apan tunitak tan daih diing program zang lellel uhi. Thupi diing in Restoration campaign chih zang ua noptuak mahmah. Lochingtak leh phatuamna lianpi toh ahon zoh uh i dehsak uh.

USHER THAK DIINGTE

❖ March leh April kha sung office assistant kithuahpih a usher na hon sepsak diing in unau the Jangthang leh Thangdouliau banah Mr. Thanglemlal guan in om uhi. Amaute kithuahpih ni.

NGAPLOU

❖ Unaunu Nianglunmawi hitang khosik ziaik in ngap ngellou in ana om a, tunbel Pathian panpihna toh ahoihlam hinawnta hi.

PROGRAM LAK THEIHLAI

❖ March leh April kha biakna program kibawlsa a lakha nailoute'n lak theih lai diing hi. A tang kha nailoute'n ngaihven ni hang.

The Creation

By Thang Lemlal

**In the beginning, silence held its sway,
 Infinite darkness, night without day.
 Then the voice of the Creator spoke,
 In the void, His words awoke.**

**“Let there be light” the heavens
 declared,**

**And darkness fled, the universe bared.
 Stars ignited, galaxies swirled,
 Creation’s tapestry gently unfurled.**

**Waters parted, the earth took form,
 Mountains rose, amid the storm.**

**Seas teemed with life, creatures
 abound,
 In the Creator’s hand, wonders found.**

**But the masterpiece was yet to be,
 A soul stirred, in depths of the sea.
 From dust and clay, humanity formed,
 In the breath of God, life transformed.**

**In Eden’s garden, life’s first bloom,
 In the quiet dawn, in the fragrant
 gloom.**

**A man and woman, hand in hand,
 In the Creator’s image, they stand.**

**In the stillness of the morning, they
 walked,**

**In harmony with nature, they talked.
 Life’s symphony, in perfect chord,
 In the garden, they found their Lord.**

to be continue